

# «Հայաստանի Հանրապետության կառավարության 2018 թվականի ապրիլի 12-ի N 404-Ն որոշման մեջ փոփոխություններ և լրացումներ կատարելու մասին» ՀՀ կառավարության որոշման նախագիծ

Նախագիծ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ  
ՈՐՈՇՈՒՄ  
2023 թվականի N \_\_\_\_-Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2018 ԹՎԱԿԱՆԻ  
ԱՊՐԻԼԻ 12-Ի N 404-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ  
ԿԱՏԱՐԵԼՈՒ ՄԱՍԻՆ

Ղեկավարվելով «Նորմատիվ իրավական ակտերի մասին» օրենքի 33-րդ և 34-րդ հոդվածների 1-ին մասերով՝ Հայաստանի Հանրապետության կառավարությունը որոշում է.

1. Հայաստանի Հանրապետության կառավարության 2018 թվականի ապրիլի 12-ի «Չինվորական ծառայության համար քաղաքացու կամ զինծառայողի պիտանիության աստիճանը որոշող հիվանդությունների ցանկը, ինչպես նաև քաղաքացու կամ զինծառայողի առողջական վիճակին հակացուցված զինվորական ծառայության պայմանները սահմանելու մասին» N 404-Ն որոշման հավելված 1-ում կատարել հետևյալ փոփոխությունները և լրացումները.

1) հիվանդությունների և ախտաբանական վիճակների աղյուսակի 9-րդ հոդվածի «դ» կետի 3-րդ սյունակում «H» տառը փոխարինել «G» տառով.

2) հիվանդությունների և ախտաբանական վիճակների աղյուսակին հաջորդող բացատրական մասի 2-րդ կետի «բ» ենթակետի վերջին պարբերությունում՝

ա. «ՀԴՄ» բառը փոխարինել «ՀՄԴ» բառով,

բ. լրացնել նոր նախադասություն՝ հետևյալ բովանդակությամբ.

«Վարժական հավաքներին ներգրավվող քաղաքացիների փորձաքննության ժամանակ V-րդ սյունակում նշված A և B տառերը համապատասխանում են I տառին, իսկ D, E և F տառերը համապատասխանում են J տառին:».

3) հիվանդությունների և ախտաբանական վիճակների նկարագրական մասի՝

ա. 7-րդ հոդվածի հինգերորդ պարբերությունում ««Դ» կետին» բառերը փոխարինել ««Ե» կետին» բառերով,

բ. 8-րդ հոդվածի երկրորդ պարբերությունում «այլ» բառը փոխարինել «այն» բառով,

գ. 10-րդ հոդվածի ութերորդ պարբերությունում «գործառույթային ծանրաբեռնվածության ժամանակ, ինչպես նաև՝» բառերը հանել,

դ. 12-րդ հոդվածի երրորդ պարբերությունում «բարձրացումով» բառից հետո լրացնել «, ինչպես նաև գլխուղեղի 0.6 սմ և ավելի գլիոզի օջախները» բառերը, իսկ վեցերորդ պարբերությունում «փոփոխությունների» բառից առաջ լրացնել «բնորոշ» բառը,

ե. ուժը կորցրած ճանաչել 14-րդ հոդվածի հինգերորդ պարբերությունը,

գ. 14-րդ հոդվածի վեցերորդ պարբերությունում «թեթև արտահայտված էսենցիալ դող» բառերը հանել, իսկ «ներուղեղային» բառից հետո լրացնել «կիսազնդային» բառը,

է. 16-րդ հոդվածի չորրորդ պարբերությունում «12-15մմ» բառերը փոխարինել «12մմ-ից մինչև 15 մմ ներառյալ» բառերով,

ը. 37-րդ հոդվածի առաջին պարբերությունում «ազդրոսկրազխիկի խոռոչի շրջանում կոնքի ոսկրերի» բառերը փոխարինել «քացախափոսի» բառով,

թ. 39-րդ հոդվածի առաջին և երկրորդ պարբերություններում «ազդրոսկրերի ներքին կողմերի ելունդների» բառերը փոխարինել «ազդրոսկրերի միջային կոճերի» բառերով, իսկ «սրունքների ներքին կոճերի» բառերը փոխարինել «սրունքների միջային պճեղների» բառերով,

ժ. 48-րդ հոդվածի չորրորդ պարբերությունը լրացնել 5-րդ ենթակետով՝ հետևյալ բովանդակությամբ.

«5) ցողունային երակահատումներից հետո վիճակները, եթե չկա երակային համակարգի փականային անբավարարություն:»,

ժա. 48-րդ հոդվածի հինգերորդ պարբերությունում «` բարդացած թրոմբոֆլեբիտով» բառերը հանել,

ժբ. 54-րդ հոդվածի առաջին պարբերության առաջին նախադասությունը շարադրել հետևյալ խմբագրությամբ.

««Ա» կետով են փորձաքննվում միզասեռական համակարգի հիվանդությունները և զարգացման արատները:»,

ժգ. 54-րդ հոդվածի առաջին պարբերության երկրորդ նախադասությունում «նաև» բառը հանել,

ժդ. 55-րդ հոդվածի երրորդ պարբերությունում «կետով» բառից հետո լրացնել «, որի դեպքում փորձաքննվողը ճանաչվում է սահմանափակումով պիտանի զինվորական ծառայության համար (ծառայություն հեշտացված օրվա կարգացուցակով)» բառերը,

ժե. 56-րդ հոդվածի տասներորդ պարբերությունում «3,5 սմ-ից փոքր» բառերը փոխարինել «2,5-ից մինչև 3,5 սմ» բառերով,

ժզ. 72-րդ հոդվածի երկրորդ պարբերությունում «բուժում» բառից հետո լրացնել «, որի մասին տեղեկացված լինելու վերաբերյալ նախազորակոչիկի կողմից գրառում է կատարվում օբյեկտիվ գննության թերթիկում» բառերը,

ժէ. 89-րդ հոդվածի հինգերորդ պարբերության երկրորդ նախադասությունում «նեյրոֆիբրոմատոզի բժային ձևի» բառերը հանել:

2. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՎԱՐՉԱՊԵՏ Ն. ՓԱՇԻՆՅԱՆ